

劉子序

按劉子五卷五十五篇北齊書以爲劉晝字孔昭撰袁孝政序謂劉晝傷已不遇遭天下凌遲播遷江表故作此書王應麟玉海載北史晝又著金箱璧言高才不遇賦與書中語意頗合似爲斯人所作也唐志一卷直以爲劉勰然觀勰所著文心雕龍辭旨偉麗且又卷數不同非也此書泛論治國修身之要雜以九流之說無甚高論然時有可喜者清神章云萬人彎弧以向一鵠能無中乎萬物眩曜以惑一生生能無傷乎宋太史嘗謂三復其言爲之出涕

道藏輯要

劉子序

七

危集七